

Crac. Acad. Univ. Lazell.
Promotiones Philos. Oct.
1660 V Idus Octobr.



1171

I. Mag. St. Dr.

P

Piskorski Sebastianus Virens laureatum
ex quo deceptas laureas ingenio
VIII. Adolescentibus primae in A.A. et
Phil. laureas Candidatis dat et donat.

L

D

Jng

J

V.

24

28

L A V I R E N S
L A V R E T V M

Ex quo

Decerptas, adolescente Autumno, maturæ Virtutis

L A V R E A S
*Ingeniis VIII. Adolescentibus Primæ in Artibus
& Philosophia Laureæ
Candidatis,*

P E R

Excellentissimum ac Doctissimum Dominum,

D. STANISLAVM
J O D Ł O W S K I,

Collegam Minorem,
P H O E B V S

In

Celeberrimo ACADEMIÆ CRACOVIENSIS *Parnaso*
dat & donat
accinente,

Nouenario Pieridum Musarum Choro
&

numeros observante,

V. D. SEBASTIANO PISKORSKI,
eiusdem Laureæ

CANDIDATO.

Anno Domini 1660. V. Idus Octobris.

C R A C O V I Æ,

247. *In Officinâ Viduæ LVCE KVPISZ, S. R. M. Typ.*

In Stemma Clarissimi & Admodum
REVERENDI DOMINI.



BIBLIOTHECA
VNIV. MAGELL.
CRAGOVENSIS.


Quæ micat ætheream pulcherrima LVNA per aulam,
Soepius in tenebris deficit illa suis.
LVNA salutiferi clarissima lumine signi,
Defectum propriæ lucis habere nequit.

IOANNES IGNATIVS Enguer,
Stud: Poët.

L
I.



quo
spic
nos
rea
bun
ride



CLARISSIMO & ADMODVM
REVERENDO DOMINO,

D. M. ALBERTO
LANCVCKI

I. V. Doctori & Professori Eccle-
siæ Collegiatæ SS OMNIVM Cancellario
S. Michaelis in Arce Cracouiensi Cano-
nico Parocho Luboricensi &c. &c.

Domino suo & Patrono Fauentissimo.



*V*irens Lauretum, Bacciferasq; in eo Laureas,
quas nobis Alma Mater Academia, in Au-
tumnali Librâ appensas, & iusto Laboris
pondere appretiatas adnumeravit Tibi Cla-
rissime & Admodum Reuerende Do-
mine dedicatas offero. Fuere ille Phæbo
quondam sacra, sint modo Germanæ illius Tusq; Phæbes Au-
spicatisq; mo consecrata syderi. Quod & luce suâ umbriferum
nostri Laureti Lucum illuminabit, & immarcescibilem Lau-
rearum Virorem benigniori fecundabit influxu. Non time-
bunt minaces furiosa Tempestatis iras, quibus tam benigna ar-
rident sydera; & conspirata in suam perniciem fulmina, fa-
cile

cile in hoc signo vincent, quod plusquam solaribus radiis
undiquaque splendet. Ast nēdum quidem ego, sed ipsa
Laurus Tuum Patrocinium expetit Clarissime & Adum
Rnde Domine, dissoluta enim per plures Laureæ Candida-
tos agrē ferret folia; nisi aureā Tuā in vnum & benē ordina-
tum fascem reuinciretur Catenā. Non poterat concinna & o-
mni numero absoluta hæc Prima nobis obuenire Laureæ; nisi
tam pretioso LANCVCII Torquē retexeretur: nec aptior il-
lius Lunā ad sertum contexendum debuit inueniri Circulus; qui
etsi dimidiatus apparet, breui totum continuabit Orbem; quæ e-
nim modo Crescens Phæbe est, mox Plenilunio aucti in sublime
honoris dimidiam Circuli partem supplebit. Æquum etiam e-
rat Clarissime & Admodum Rnde Dñe, vt Lauretum
nostrum Viriditatis suæ non aliunde incrementa peteret; nisi à
Te qui debacchante per hanc ipsam celeberrimam totius Sarma-
tiæ Metropolim hyeme Sueticā, non Academiæ modo, sed totius
Cleri Virorem ab illius iniurijs tempestatibus feliciter conserva-
sti, & ipse vernantem inconcussi animi Tui gloriam retulisti. Ta-
ceo hic (nec enim possibile est angustā amplissimas virtutes Tuas
depingere pagellā) cum alia sexcenta Meritorum Tuorum indicia;
tum hoc ipso tempore indefessam Tuam in promouenda securitate Acade-
micā operam, quæ tanta est, vt amplius Achillis egide Academia opus non
habeat, inuicto Tuo contra Aduersarios opposito pectore. Priuatam quoq;
in me Clientem propensionem Tuam, publicā hac, volo priuatam luce:
satis enim est Te singularem nominare Patronum. Qui debitum hoc à
Tuo Cliente pensum & suscipies gratus & benignus fouebis, explicante
prompti fauoris sinum beneuolentissimā Lunā Tuā, cui plenam consum-
mati Luminis augem voueo calitūs & apprecor.

SEBASTIANVS Piskorski.

ACADEMIA MATER

ET

PHOEBVS PATER.

Fortè sub Hesperio Ferijs Septembribus astro,
 Publica dum doctæ tenuère silentia Musæ
 Pythagorasq; in Aristotelis siluisse Lyceo
 Cœperat, Alma suo surgens ACADEMIA Mater
 De strato, vigili quod strauerat ipsa labore
 Insomnesq; in eo solita est eludere noctes.
 Vix vacuas lustrare Scholas & pulpita doctis
 Exarmata Viris orbataq; scamma Magistris.
 Occœpit; de Parnassi penetralibus exit
 PHOEBVS & ipse Pater subitò, serumq; precatur
 Omine cum fausto Diuæ, comitemq; ferenti
 Suspensos gressus se præbet; at illa manuq;
 Conuersisq; genis Socium saluere iubebat.
 Quam prior alloquitur: Quæ te Dea cura momordit?
 Quid persuasit AMICA tuo consurgere strato?
 Grataq; somniferæ turbare silentia noctis?
 Omnia transacto cupiunt cessare labore
 Post dulcem suavis Philomela tacere susurrum
 Nouit, Apes non semper opes conferre beatas
 Aëreosq; solent Aquilæ exercere volatus.
 Pelle animo curas, meritumq; excerpere pectus
 Caucaſcâ permitte Aquilas in rupe Promethei

Di-

Dixit: at illa pio frontem squallore stupentem
Erigit, extenditque manûs & talia fatur:
O genitor! quem credo meæ tenet vnica Prolis
Anxietas mecum, durum, vacuumque Paterni
Cor nec amoris habes: tibi sunt communia mecum
Omnia, tu genitis optas Pater optime Natis
Consuluisse meis. Cernis? quàm pulchra superfit
Progenies nobis? meritis quàm fallere adoreis
Mater ergo nollem, nec tu Pater ipse tulisses.
Non satis est genuisse mihi, non lacte Parentis
Progenitos nutrîsse meos, florentibus illos
Excultos Studijs & in ardua quæquæ ruentes
Viribus ingenij, mentisque feracibus alis,
Est opus adiunxisse, Pater. Proli dedit alas
Dædalus ipse suæ, generoso Mater Achilli
Virginis ora Viro finxit Lycomedis in aulâ,
Et Phaëton fuerat currûs auriga Paterni,
Et Cytherea pio accelerauerat astra Quirino,
Inter & Indigetes Diuos Ænea locauit.
Quantus amor Matrum prolis! quantusque Parentum!
Ast ego quid faciam? sobolem quâ dote locabo?
Quâ mea me Matrem, tua quâ ratione Parentem
Te nôrit Proles? sano medeare dolenti
Consilio, pateatque tuæ sententia mentis.
Risit, & orantem dictis affatur amicis:
Ouacuas, cassasque tuo sub pectore curas!
De nostris veluti Mater Ditionibus vnquam
Nescîsses: Nobis Delphos, Parnassia nobis

Sunt iuga, Gryneumq; nemus, me Cynthus adorât.
Ad minimumq; fluunt Heliconis flumina nutum.
Si Cœlum spectare voles? summumq; supernis
Sedibus Imperium? latissima regna tenemus,
Quæ totus peragrarè mihi vix sufficit annus.
Herculeæ nequeunt tantum signare Columnæ,
Nec primus victor tantum vidisse Lyæus
Terrarum poterat quantum mea Sceptra capessunt.
Hic pede contorto referat stellantia Cancer
Tecta mihi, claramq; locat super æthera sedem;
Cornibus hîc celsi claudit Caper ostia regni.
Sunt super intonsi cornuta cacumina Pindi
Parnassiq; iugum, compto placidissima crine
Et viridi æternum Laureta manentia fronde.
Hesperidum fuerant aureis Viridaria malis
Clara diu; sed perurgili custode perempto
Abstulit Alcides prædam, vacuosq; reliquit
Tàm celebres hortos. Florebat Adonidis auro
Alcinoiq; nemus quondam; sed cana Vetustas
Mordaci rerum consumpserrat omnia dente,
Luceq; lucentes Lucos orbavit & umbrâ.
At mea perpetuis frondent Laureta Calendis.
Non caries, non tempus edax, non sæua nocere
Tempestas audet, sed amæno secula sole
Cuncta vident: imò viridi sua tempora fert
Deuincit Victor, Lauri sine fronde triumphus
Non fiet celebris, Lauro Victoria gaudet
Virgineum redimita caput, super æthera famam

Tol-

Sunt

Tollit & æterno florefcit Gloria Lauro.
Ipse ego, dum ærijs sæuum Pythona sagittis
Perniciem terræ certam, post ritè peractas
Deucalionis aquas, fudi: mea tempora Lauro
Vinciui, Victoriq; sacram Victoribus exhinc
Deuoui Daphnem, spolijsq; feralibus arcum
Insignem, folijs, tinctasq; cruore sagittas
Perpetui in signum volui redimire triumphi.
Hac reor Alma voles Lauro tua pignora Mater
Hac sobolem donare tuam quæ tempore nullo
Marcescit, viridis multos sed durat in annos.
Vix filet, extremisq; data est vix clausula verbis;
Excipit illa, moræq; loco priuantur inertes,
Istaq; Materni plenissima reddit amoris:
Hoc volo Phœbe Pater: nec enim præstantius vnquã,
Largiri poteras Lauro; mihi sufficit vni
Sufficit & Proli tantis gaudere Coronis.
Auertit Phœbus frontem similisq; dolenti
Indignatus ait, verbis solatia miscens.
Non satis est nobis, virides præstare Coronas,
Ipsaque duntaxat caris diademata Natis.
De vacuis formare comis; Laureta lubenter
Addimus, æternâ nostris ditione tenenda
Pignoribus. quæis cara mihi Parnassia rupes,
Siue meum natale solum Delosquæ superbit.
Vel quæ prospiciunt vitreas Heliconis in vndas
Vel quæ Craciadûm lambit grauis Istula ad Urbem,
Do, dono, proprioquæ meo de iure recedo.

Possi

Possideant, vtantur, pacificique fruantur,
Nec folijs tantum frontem, priuisque coronent
Laureti taccis, properent sed habere secundas,
Insignesque meâ referant ex arbore fructûs.
Hæc mea Cedrinis in scribo munera chartis
Scriptaque perpetuis hæredibus ista resigno.
Quod superi faxint! Cœlestia Numina iustis
Subscribant Votis, faucant, facinusque secudent,
Dictaque cum caris Laureta virefcere Natis
Permittant: nec enim dextro absq; iuuamine quicquã
Illorum potis esse ratum; superumque voluntas
Imperio premit astra suo, nutuque potenti
Inferiora regit. Superis mea Laurea curæ
Caraque Progenies. quorum pia Numina ritè
Sublatis precibus veneremur; vt ista secudent
Auxilioque iuent, quæcumque poposcimus, atque
Infundant nostris Cœlestia munera Natis,

V E N I S. S P I R I T V S.

TV qui sacratæ fons Sapientiæ,
Præsesque clari luminis inclytus,
Tum Sanctitatis, ac amoris
Ignipotens celebraris auctor.
Attende nostris Pneuma laboribus!
Attende Votis! funde Charismata
Ignesque sacros & beata
Pignoribus dato dona nostris.

B

Colum-

Columba pacti tessera foederis
 Noëm virentes paciferæ tulit
 Ramos Oliuæ, prima terras
 Diluuiο docuit vacantes.
 Laurum virentem tu sub imagine
 Mitis Columbæ, fer niueo precor
 In ore nobis, fac virescat
 Perpetuis mea Laurus æris.
 Quo nostra Proles præsidio tui
 Longum fruatur Numinis, excita
 Feruoris ignes vre eorum
 Empyreis animos fauillis.

MAGNÆ MATRI & VIRGINI

FI

MAXIMÆ, ALMÆ MATRIS ACADEMIÆ, PATRONÆ.

PUlchra sacrati, decorisq̃ pleni
 Virgo Sionis, cui ditioꝛe
 In Palestinis lacrymantur oris
 Balsama succo,
 Tu super celsum Libani virentis
 Verticem, casto comitata cœtu
 Virginum ludis, niueoq̃ flores
 Pollice carpis.
 Tu Prophetarum latebris dicati
 Hera Carmeli, tibi Palma victrix
 Ex Idumæis oriunda terris
 Vertice flexo,

Quorum Tu pius es Pater.

Sumant auxilio Laurum Academicam
Vir Diuine Tuo, Cui

Laudem non tacitis semper honoribus
Reddent, atque pio melos

Patri, & grata canent Cantica CANTIO.

A V S P I C I V M P H O E B I.

DVm Superis, Diuisq; pios libamus honores
Fausta q; pro caris exposcimus omina Natis:

Fallimur? an verax glomeratur imago supernis
Sedibus adueniens? & nescia lumina ludit?

SPIRITVS ille sacer niueæ sine felle Columbæ,

Expansis vacuum volitat super aëra pennis,

Ocyor & iaculo & ventos equante sagittâ

Hospes adest, & nostra ferax Laureta Volucris

Circuit in gyrum, celsosq; in Vertice sedit

Arboris eximitæ, crepitansq; nitentibus alis,

Fudit in aternas Cælestia munera Laurûs.

Protinus atheream deducta **VIRAGO** per aulam,

Ad concepta subest calido sub pectore Vota,

Virgineis comitata choris, & fronte repostam

Virginitatis habens viridi de fronte Coronam.

Ac ubi sacratis Academica Limina plantis

Presserat; augustum subito est ingressa Lyceum

Hec pia de roseo profundens verba labello:

Felices animæ! quibus est Sapientia cordi,

Et virtus, constansq; fides, nomenq; **MARIÆ!**

Vivite felices! viridesq; capeſſite Laurûs
Neforeasq; manu dextrâ numerate Calendas.
Non decet ut qui me cognoscitis eſſe Parentem,
Non ego vos Natos ſimili moderamine noſcam.
Arriſit dictis caſtæ comes Hoſpitis, Almæ
Matris & ipſe Parens, eademq; precatus amico
CANTIVS ore, novis adamatæ Matris Alumnis.
Subriſere Scholæ, doctisq; crepantia verbis
Pulpita plauserunt, Fiatq; dedere Cathedræ,
Hæc ego Pythio Tripodi ſubnixus Apollo
(Credite) vera etenim verax Oracula fundo.

CLARISSIMIS & EXCELLENTIS. DD.
EXAMINATORIBVS.

CLARISSIMO & DOCTISSIMO
D. ANDRÆ BOHEMIO,
Collegæ Minori Facultatis Philoſophica Decano.

CLARISSIMO & DOCTISSIMO,
D. CHRYSOPHORO STELLANOWIC,
Collegæ Maiori.

EXCELLENTISSIMO & DOCTISSIMO,
D. IACOBO BALTAZAROWIC,
Collegæ Minori.

SVblimes animæ! veriſſima norma Sophorum
 VNus Ariſtotelis, Socratis at ille, Platonis
 Tertius: Ingenium ſi quis, mentisq; profundos
 Scrutatus fuerit veſtro ſub pectore fontes;

Dicet Aristotelem primum, dicetq; secundum
Socratem, qui illis superest hunc ritè Platonem
Afferet, à metâ veri nihilumq; recedet.
Ingeniosus erit primus, sapiensq; secundus.
Tertius in Diuinâ par pietate Platoni.
Hoc ego Socrati quondam Pythius Apollo
Imposui nomen, nostro sapiensq; creatus
Responso fuerat; quid obest? si trina Virorum
Doctorum series, simili ratione vocetur?
Non mea me dubium fallunt oracula vatem,
Nec sapiens, sed stultus ego, pinguesq; secundum
Pascere per campos Admeti Regis Ouile
Deberem; meritos illis si præter honores,
Non etiam Curam conferrem, iusq; virentis
Laureti. Illorum manibus diademata nostræ
Texuntur soboli, per eos Parnassia cunctis
Limina aperta patent, ad eorum Delphica Laurus
Iudicium, libitumquè nouis reuiescere Baccis
Incipit. O Charitum pulcherrima imago Sororum!
Ternio prædulcis! vestro mea pignora Cordi
Commendo, Patrij non expers ipse fauoris.
Tollite de pleno (doctissima pectora!) ramos
Laureto, Aoniaq; nouis date quæso Corollas
Athletis, luctæ vt capiant præsentis honorem.

Excell: D. P R O M O T O R I.

Iam bona cuncta fauent, præsentia Numina votis
Subscripsere meis, doctiq; labore Magistri

Iam
Pign
Prim
Opti
Præ
Lar
Lau
Her
Nar
Cui
Det
O fe
Pan
Non
Nec
Sem
At
Acc
Pro

I.

Iam

Iam proprio, virides caris fecere Coronas
Pignoribus: superest doctissime Fautor & Author.
Primaeva sobolis nostra, Laurusq; virentis
Optime largitor, virtutis & alma laboris,
Premia delectis nouiter Tyronibus oro
Larga feras, meritasq; comis innecte Corollas,
Lauretiq; mei aeterna ditione tenendi
Heredes statuas, promissaq; munera dones.
Nam virides prestare nouis Tyronibus hortos
Cui mage conueniet? nisi qui viridantibus ipse
Detraeto arboribus viridi cognomine vernat.
O felix Arbos faustas visura Calendas!
Pande comam, Natosq; tua compone sub umbrâ!
Non ingrata reor tanti monumenta laboris,
Nec tacitis referent animis: in pectore eorum
Semper honos, nomenq; Tuum laudesq; manebunt.
At vos Pierides dulcissima liba sorores
Accinite, & nostram promptæ celebrate sonoro
Progeniem cantu, viridesq; referte Coronas.

CALLIOPE.

I. V.D. IOANNI VLADISLAO, NAGOTH.

Quis me nubiuagam format in alitem?
 Quis pennas humeris Icarias meis.
 Pollens ingenio Dædalus adstruit?

Præcox alta fugacibus
 Præscindo calamis aëra; iam mihi
 Nusquam Sarmaticus visitur Istula,

Non

Non angusta meæ moenia Craciæ
Apparent. Feror arbitris,

Ipsismet Zephiris, ocyor excito
E curuis iaculo cornibus. hîc mihi
Montes diffugiunt Carpathij procul.

Et clari subitò iuga

Parnassi video, in cornua vertice
Discerpti socio. Pegasei propè
Iam fontes vitreis luxuriant aquis.

Iam dulces Cytharæ sonos,

Et voces patulis haurio sensibus.
Iam Musas teneo Castalio super
Ludentes fluuio. Tum celeres procul

Dissoluo calamos mihi,

Parnassique nouis limina calcibus
Allambens, video : quæ supereminet
Præfulgetque alijs alta sororibus,

Peplo Calliope aureo.

Hæc promissa suo dona VLADISLAV
Prætexit niueo pollice, dignaque
Describit folijs nomina Laureis

JOANNI NAGOTH, inclytæ

Musarum soboli, Delicio Artium,
Cultori studiorum, ac Academicæ
Primo signifero Laureæ, & Indolis

Ac mentis Iuueni Optimæ,

Quæ dum laurifero scripsit in annulo
Et caro imposuit ferta NAGOTIO,
Mox plectro Cytharam tangit eburneo,

Inspiratque loquacibus

Has voces fidibus : Craciadûm noui
Augmentum decoris : gloria Posteris
Faustè nata tuis ! viue virentibus

Felix vtere Laureis.

Respon-

Respondere choro, Fiat, in altero
Musæ dulcisonum tendere barbiton
Gnatæ: Præses ait, Fiat, in aureo
Phœbus subsiliens throno.

C L I O.
III. V.D. SEBASTIANO TARALIC.

Arguta dulcem Calliopes lyram
CLIO sonori verbere pectinis
Excepit, ex argenteoq;
Nectareos dedit ore Cantus.

Hac melle tinctam fert Cytharam manu,
SEBASTIANO illâ TARALICIO
Laurum virentem, proprioque
Pollice ferta retexta, digno

Desert Alumno. Quas superaddidit
Laudum cohortes? vos Heliconij
Narrate fontes: nostra namque
Lingua parum sitibunda vestris
Libavit undis. dicite quas tulit
Fame sagittas? & super unico
SEBASTIANO fixit? illum
Eloquij laticem diserti,

Et Tulliani fluminis asserens
Merum fluentum, seu sibi Delphicam
Concedier Poeticamue
Expetat aptus utrique Lauro.

Hac illa dulci dum geminat sono
Tu si expeditos ad numerum pedes
Aptare velles; mox decoram
Scandere possis honoris aulam,

Dignamq; Lauru promeritâ ferens
Frontem reuinctam, Pegaseis super

*Innexus alis per Virorum,
Docta means volitabis ora.
Hoc Sua da dulcis, Carminis hoc potens
Enthusiasmus spondet, & insimul
Apollo vates, hoc sonoris
Pierides cecinere plectrâ.*

IV. V. D. THALIA.
IOANNI STANISLAO, PIOTROWSKI

Sive tu Phœbo genitus Parente,
Sive Phœbeæ puerum sorores
Inter augustas Heliconis arces
Exorientem
Te suo quondam gremio tulerunt
Digne PIOTROWSKI, niueiq; lactis
In locum Romanæ aluere paruum
Nectare Suadæ.
Namq; cur tantus subito coortus
Fervor in Musis? Tibi quæ frequentes
Præteroccurrunt & amœna Circum
Lilia fundunt.
Nescit hæc sertum viridante Lauro,
Illa fert ramos, aliæ suaves
Dimouent chordas, Cytharâq; docto
Pollice pulsant.
Vna quas inter roseo Thalia
Ore subridens, tibi dulciores
Occinit cantus, recitatq; tales
Carmine voces:
Sive mellitas imitaris vnquam
Tullij voces & in altiores
Artium docto properas cothurno
Ire recessus.

V.

D

Cesar

KVC

Sangu

Terru

Septa

Musa

Ad su

Ast E

Infre

Quis

Limin

Pieri

Præsu

Non

Audi

Auer

Indu

Tum

Hospi

Qui

Quis Tuæ Mentis iubar & decoras
 Ingeni dotes nequeat videre?
 Ecquis excelsâ neget esse natum
 Phocidis ora?
 O mei proles adamata cordis!
 Grata dulcedo! voueo receptis
 Laureis, multos frutor per annos
 Care IOANNES.

V. V. D. BENEDICTO LVDOVICO KVCHARSKI.

D^{um} Musa psallunt, choreasq; Helicone iocosas
 Ad numeros ducunt, Eratoq; virente Corollâ
 Casariam redimire sui properat BENEDICTI
 KVCHARSKI; interea Bellona micantibus armis
 Sanguineâ facie, vacuas ferientibus auras
 Terribilis cristis, rigidoq; satellite circum
 Septa venit, flexâq; leues Cervice salutat
 Musas: mox visum luuenem, dextrâq; prehensum
 Ad sua Bellipotens subducere castra volebat.
 Ast Erato niueum depingens sanguine vultum,
 Infremnit dicens, iustasq; exarsit in iras.
 Quis sacra tam petulans audet miscere profanis?
 Limina quis Phœbi, castasq; laceffere bello
 Pierides? inuenemq; meis subducere gratum
 Presumit manibus! procul hinc Germana Gradiui?
 Non locus hic aciesq; tuas decimare phalanges!
 Audiit & Phœbus; dedignatusq; serenam
 Auertit faciem ac insueta silentia dulci
 Indixit Cythara, hocq; sua fecere sorores.
 Tum Bellona genas roseo suffusa pudore,
 Hospitij violata querens pia fœdera, sese

*Proripuit, duri comitata rubigine ferri,
 Exijt, erupit, pedibusq; fugacibus inde
 Euasit, conturbataq; quiete refecit
 Pristinâ Musas; Erato tamen unica gaudet
 Plus reliquis, tangitq; Lyrâ, frontemq; reuincit
 KVCHARSCII, verumq; sibi despondit Alumnum.*

MELPOMENE.

VI. V. D. ALBERTO CONSTANTINO *Iurkowicz.*

NON te IVRKOVI resono dulcissima Cantu
 Melpomene Vacuum
 Praterijt; non te viridis diademate Lauri
 Pollice quod proprio
 Texuit, orbatum fuit; sed amoris apertum
 Obtulit iudicium;
 Parnassi cum te celsam deduxit in arcem
 Et viridante Caput
 Ornauit Lauru, mediumq; amplexa suaues
 Protulit ore sonos:
 Si Tua qua multis ALBERTI memoria præstas,
 Ingenijq; iubar,
 Mellitæq; tuæ dulcis facundia suadæ
 Sit memoranda mihi;
 Maiorem tentare Lyrâ fidibusq; tenerer
 Tendere plectra nouis,
 Et Te Simonide aut etiam Cicerone creatam
 Progeniem resonis
 Deberem cecinisse metris: quæ dum reparantur
 Interea salubris
 Viue perennantem Lauri superato virorem
 Et Tua temporibus
 Nestoreis similem, viridantia tempora Lauro
 Vitam habuisse queant.

Viue diu castis soboles gratissima musis,
 Deliciumq; mei
 Pectoris! o Patriæ certissima gloria quondam
 Lausq; futura Tuâ!
 Te viridiquè Tuâ celebris Tarnouia Lauro
 Et reuirescet ouans,
 Et bona de primis progressibus omina spondens,
 Maxima percipiet
 Incrementa spei. Nunc opto virescat
 Fama diu Patriæ,
 Victurusq; Tuâ Magnos floreat in annos
 Posteritatis honor.

E V T E R P E.
 VII. V. D. MATTHIÆ GOSTOMIOWSKI.

QUA GOSTOMIOWSKI niueo placidissima vultu
 Euterpe tibi munera confert?
 Laureâ ferta prius claro decerpta Vireto
 Parnassi, magniq; fauoris
 Indicium præstat sacras Heliconis ad undas
 Cum te deducit, vitreosq;
 Thespiadum latices caro propinat Alumno.
 Post canit, ingeniosa sonoris
 Plectrâ ciens fidibus: soboles carissima Viue!
 Viue datisque fructu coronis!
 Nec tua cum viridi marcescant tempora Lauro.
 At tu vix de fonte Caballi
 Haussisti plenâ Phœbeia munere labris
 Ingenij cumulatus opimis
 Detibus, excrescis subuò, proprijsq; Patroni
 Et Fratris recreare secundas
 Dum cupis hacce tuâ Laurû; certissima iam te
 Spes alit & non fallit eundem.

TERPSICHORE.
VIII. V.D. MARTINO SKORSKI.

ET te Phæbus amat, Pieridum tuis
Optabat fruer cœtus amoribus:
Qua propter viridi te diademate
Ornatum manibus Terpsichore suis
Sublimi statuit limine, & inclytis
Parnassi celebrem sedibus intulit,
Mellitamquæ chelin pectine eburneo
Doctè percutiens omina non malæ
Fortunæ cecinit: cresce, minoribus
Annis ingenio damna rependito
SKORSKI, magnatibi munera contulit
Et Natura Parens & labor inscius
Turpis desidîæ. quare age creditis
Ad maiora gradum tollito Laureis.

POLYHYMNIA,
S E V

Symbolum affectûs
II. V.D. SEBASTIANO PISKORSKI
OBLATVM
P E R

V.D. IOANNEM VLADISLAVM NAGOTH.
Concandidatum suum.

ELoquar? an sileam? magnis Polymnia rebus,
Dedita cantandis, memorandaq; facta recondens?
Eliciam tantum iniustâ de lege tacendi
PISKORSKIq; tuo docto subscripta Libello
Decantabo graues non fictâ mente labores.
Tu melos interras traxisti carmine lecto,

*Parnassi socium; nectens dum Laureæ sertæ
 Phœbiadum repetenda choromonia tulisti.
 Moribus, ingenio, facundâq; arte loquendi;
 Non dubito summas poteris contingere laudes.
 Pando Nemus Lauri, meritam Tibi nocte Coronam,
 Quam Romana tulit facundia; quamq; Maroni,
 Musa dedit, Vittas has nostris accipe votis.*

VRANIA.

V.D SEBASTIANO PISKORSKI,

In signum grati animi dicata,

PER

V.D SEBASTIANVM IOSEPHVM TARALICZ.

A Streans Virgo superas per ædes
 Carminis Plectro resonare nata,
 Syderum gyros modulante chordâ
 Pellere mitte?

Cerne Parnassi Sociæ Sorores
 Quos cient cantus? sibi dum Sacerdos
 Phæbus electos comites coronat
 Palmite Lauri.

Fatus hæc Craci genius Lycæi
 Dum refert calis tremulas per auras;
 Audit & Sacro stupefacta profert

VRANIA ore.

Quæ subit cerno noua nata vatum
 Turba, florentes Heliconis umbras,
 Et Sacrum Lauri nemus, & Dearum
 Sertæ reportat.

Præsidem Cæli docuit stupenda
 Arte PISKORSKI, sua cum per Auras
 Metra cum nostris celebrans Deabus
 Admouet astris.

Plectra suspendi, peramani vatis
 Mellei quando sonuere Fontes,
 Phœbeæ suadæ tumuere fuso

Nectare Chartæ.

KI

TH.

Par.

Euge PISKORSKI pete rostra faustus,
Tullio debes Latioquē linguam:
Orphei posses animare rupes

Carmine motas.

Quam per intentos Sophiam labores
Comparas, alti Studij profundos
Gurgites scrutans animi tenacis

Robore firmo.

Culmen Excelsi capitis reclina
Laurus intonsis dabitur capillis:

Iam patet Lauri Nemus, & reductis

Scena viretis.

Dixit & chordas feriente dextrā,
Fecit immites crepitare ventos,

Metra PISKORSKI celebranda secum

Sumpsit in Astra.

Ex Libris Piskorski Phil. Doct.

Zoile quid frustra Regalia sce-
ptra laceassis?
Non ea marcescent, crede, vi-
rore tuo.



Quid latrare iuuat? strepitumq;
ciere forensem?
Accinit his placido Cygnus vbiq;
sono.

Ioach: Iosephus Enguer
Sind. Poët.

Sub Felicibus Auspicijs,
Perillustribus Magnifici & Admodum Reuerendi Domini,
D. M. ADAMI ROSCZEWIC,
I. V. D. & Profes. Canonici Crac. Ecclesiae S. Omnium
Archidiaconi Praepositi S. NICOLAI, &c. &c.
Almae Vniuersit. Crac. Studij Generalis
R E C T O R I S
Vigilantissimi.

Doc.

reputum

gnus vbiq

Enguer
nd. Poef.

I C,

m

Biblioteka Jagiellońska



stdr0016807

